

8 februari. ☩ hora 7. matutina, Moritur Rostochij chariss: frater meus Baltazar Paselick, Rostochij in domo Paterna. Anno. 78.

11 februari. Colonia, vbi Academia, sepulchrum trium Regum, plurima templa.

13 februari. Dura expugnata ab Imp. Caro. 5. die Bartholomæi. Anno. 1543.

Hippolitus de Marsilijs, Iurisconsultus moritur Bononiæ. Anno 1529. Vidi Bonon: in templo S. Dominici.

Serenissimus et potentiss. princeps dominus Christianus tertius Daniæ, Noruuagiæ etc. rex, dominus meus clementissimus regia solennitate sepultus est, in oppido Fioniæ Otthonia, in templo Sancti Canuti Anno 59.

14 februari. Aquisgranum, vbi sedes Imp., thermæ, reliquiæ Caroli Magni fundatoris etc.

16 februari. Iohannes de Lignano, IC.tus moritur Bononiæ, Anno 1383. Al Santo Dominico.

18 februari. Antuerpia, celebre emporium.

Ioachimus Phrisius Rostochiensis, qui Francofordiæ anno ætatis suæ 21. in I. V. Licentiatum, anno Christi vero 44. promotus est, et in ea academia triennum legendo et disputando officio professoris publici functus est, postea Lutetiæ Doctor Iuris Canonici promotus, cum reuersus ex Gallia operam suam illustrissimo principi, ac domino, d. Marchioni Alberto iuniori Brandenburg: elocasset, Hoc die moritur, Culmbacchij in Franconia, inter horam 8. et 9. vespertinam, Anno 1551. Huius ego sororem Iudith, postea vxorem duxi, Anno 54.

23 februari. Louanium, amplis. ciuitas, locus isti acad: aptiss:

24 februari. Bruxella, vbi curia Imp.

25 februari. Gandauium, patriam Imp.

28 februari Hoc die, cum Marchio Brandenburgensis Ioachimus Elector venisset Vitembergam, globis niueis à pueris, et quibusdam etiam studiosis indignis modis est exceptus. Nam multos etiam lapides niue tectos in eum et eius comitatum iaciebant, clamantes, Interim venit, Interim venit. etc.¹.

Fui in Seelandia, optima insula.

3 mars. Die Iouis post Inuocauit, anno 58, à Capitulo Rodscildensi, tanquam Decanus, sum in chorum, et consessum capituli introductus, vsitata solennitate. In nomine Summæ TRINITATIS. Anno 58². Stallum, vt vocant, in choro, et locum in consessu capituli, mihi assignantes.

14 mars. Veni in celeberrimam academiam Ingolstadiensem, ad studium Iuris continuandum. Anno 1553. Habitaui cum Doctore Francisco Zoannetto Bononiensi, et Iu: Ci: Professore primario, in ordinario matutino. Viro de meis studijs præclarè merito.

15 mars. Hoc die, qui fuit dies Dominæ anno 1568. inter 5. et 6.

¹ Denna anteckning är skriven under P:s studietid i Wittenberg, antagligen år 1551.

² Det följande är tillskrivet senare, såsom framgår av stilen.

ho. matutinam piè moritur cariss. pater meus Nicolaus Paselick in ædib. suis Rostochij.

21 mars. Visa sunt Vitembergæ, et in multis alijs locis ad ripam Al-bis tria parelia quadrante ante horam 8. matutinam, et continuo vsque ad horam 9. conspecta sunt. anno. 1551.

24 mars. Redij in patriam, ex longa, et difficili peregrinatione, cum clariss. viro, d. D. Valentino Geerdes, quem Amstelredami inueneram. Anno 1554.

25 mars. Hoc die, Anno 1579. antiqua et grauis ista dissensio, quæ fuit inter Serenissimum Regem et regnum Daniæ etc. ab vna, et Duces Slesuici et Holsatiæ etc. ab altera parte, in conuentu et tractatione Otthoniensi, foeliciter est composita.

27 mars. Anno Domini 1560. cum à Serænissimo Daniæ rege Fride-rico 2. ad inuictiss. Principem Ferdinandum Rom: Imp. Legatus missus essem. Hoc die coram ipsius sacra Imp. Maiestate nomine sereniss. Regis, et Iohannis, et Adolphj Holsatiæ etc. Ducum oratoris officio functus sum. :

31 mars. Iterum audiuit me Viennæ in Austria solus in cubiculo suo sacratiss. Rom: Imperator Ferdinandus primus, Serenissimi Daniæ etc. regis Friderici 2. mandata proponentem, et perclementer mecum est collocutus, re-motis omnib. Consiliarijs ad integram horam. Anno 1560.

4 april. Hoc die, quo in hebdomada sancta, celebratur memoria in-stitutionis coenæ DOMINI nostri, IESV CHRISTI Anno 1588. piè admodum et placidè, ex hac mortali et ærumnosa, ad beatam et æternam vitam emigravit, Serænissimus, Potentissimus ac Optimus Princeps et Dominus, Dominus Fride-ricus 2. Daniæ et Noruuegiæ Rex etc., Dominus meus clementiss. ac beneficen-tissimus, In castro vel monasterio Maiestatis suæ, Anduorschouf, AEtatis suæ 54. Regni vero 29, anno. Cuius funus, postea die 24. Mensis Maij, amplissimo cum comitatu inde Ringstadium, ac deinceps, Roschildiam deductum, denique die 25. Mensis Junij¹, Regia solennitate in templo cathedrali Sancti Lucij nostri, sepulturæ mandatam est, ac reconditum.

8 april. Hoc die anno 1560. Viennæ in palatio sacratissimi Romanorum Imp. Ferdinandi primi, nomine Sereniss: regis Daniæ etc. Friderici 2. et Ioannis et Adolphi Illustrissimorum Holsatiæ Ducum etc., inuestituram super ducatu Holsatiæ, Stormariæ, et Dithmersiæ, me orante petiuimus et impetrauimus, ego et collegæ mei, viri nobiles, Albertus Truchses, et Hinricus von der Wisck, Fuit is actus publicus, et pro more Principum Romani Imperij, valde solennis, Cui interfuerunt Imperator tanquam Dominus feudi directus, cum filio Carolo Archiduce Austriæ etc. et multi viri principes, comites, et regum et Principum Legati. Impetrauimus etiam ab ipsius Cæsarea Maiestate in ea legatione, confirmationem eorum, quæ Rex et Duces anno superiore cum Dithmariensib. in bello foeliciter gesto diplomata fecerant. Sit Deus benedictus in secula.

Nascitur Coldingæ Illustrissima Princeps Domina Augusta etc. filia Sere-nissimi et optimi Regis nostri hora 10. ante merid: Anno 1580.

¹ Rättat från Majj.